

SAKSPAPIR

Saksnr	Utval	Type	Dato
089/15	Kommunestyret	PS	24.09.2015

Saksbehandlar	ArkivsakID
Hogne Haugsdal	14/7628

Alternativ hamneorganisering for Lindås kommune

Vedlegg:

Etablering av nytt hamneselskap for kommunane Fjell og LindåsPrinsippvedtak om oppløysing av Bergen og Omland hamnevesen (BOH)

Rådmannen sitt framlegg til vedtak

1. Kommunestyret ønskjer primært å etablere eit felles hamneselskap saman med Fjell kommune, jfr. Kommunestyresak 70/15.
2. Kommunestyret ber rådmannen leggje fram ei eiga sak om ei alternativ hamneorganisering, kor Lindås kommune organiserer hamnedrifta åleine.

Kommunestyret - 089/15

KO - behandling:

Felles framlegg til vedtak:

1. Kommunestyret bed rådmannen leggja fram ei sak om hamneorganisering, kor Lindås kommune organiserer hamnedrifta.
2. Kommunestyret ønskjer å etablere eit hamneselskap der ein opnar for deltaking frå Fjell og andre kommunar.

Framlegget vart samrøystes vedteke.

Rådmannen sitt framlegg fekk ingen røyster og fall.

KO - vedtak:

1. Kommunestyret bed rådmannen leggja fram ei sak om hamneorganisering, kor Lindås kommune organiserer hamnedrifta.
2. Kommunestyret ønskjer å etablere eit hamneselskap der ein opnar for deltaking frå Fjell

og andre kommunar.

Saksopplysningar:

Saka skal avgjerast i kommunestyret

Bakgrunn:

I kommunestyremøtet 18.06.15 gjorde kommunestyret i Lindås vedtak om å oppløyse Bergen og omland hamnevesen (BOH) og at Lindås kommune ikkje blir med i eit nytt hamneselskap Bergen Hamn IKS (Sak 69/15). I tillegg gjorde kommunestyret vedtak om å etablere eit nytt hamneselskap, Fjordhamn IKS, i samarbeid med Fjell kommune (Sak 70/15).

Det var berre Lindås kommune som tok opp desse sakene før sommaren, Fjell kommune ville vente til etter sommaren. Fjell kommune hadde desse sakene oppe i formannskapet 17.08.15 og i kommunestyret 03.09.15. Kommunestyret i Fjell gjorde følgjande vedtak:

- 1. Fjell kommune rår til at Bergen og Omland Hamnevesen (BOH) vert oppløyst i samsvar med hamnerådet si tilråding*
- 2. Før Fjell kommune tek endeleg stilling til vidare samarbeid med Bergen Havn IKS, må endeleg strategi og samarbeidsform ligge føre.*
- 3. Fjell kommune vil vurdere å gjere krav på proveny ved oppløysinga av BOH.*

Vurdering:

Kommunane Lindås og Fjell har dei siste åra hatt eit godt samarbeid omkring hamnesaka, kommunane har i fellesskap utfordra BOH, Bergen kommune og dei andre kommunane på dei premissane som ligg til grunn for det nye hamneselskapet Bergen Hamn IKS. Lindås og Fjell har også arbeidd tett med å leggje grunnlaget for det eit felles hamneselskap, Fjordhamn IKS. Vedtaket frå kommunestyret i Fjell kommune 03.09.15 gjev ikkje eit tydeleg svar på kva Fjell kommune vil satse på framover. Dei vil vente på strategiprosess og samarbeidsform før dei endeleg tar stilling eit vidare samarbeid i Bergen Hamn IKS. I tillegg tar dei ikkje stilling til eit samarbeid med Lindås kommune, det vil bli avklart når dei har ei avklaring på punkt 2 i vedtaket.

Proessen med oppløysing av BOH har dratt ut i tid, og det er signalisert at ei endeleg oppløysing vil skje frå 01.01.2017. Dette betyr truleg at 2016 vil bli brukt til å avklare endeleg strategi og samarbeidsform for Bergen hamn IKS, noko som gjer at avklaringane i Fjell kommune truleg vil kome i løpet av same året.

Lindås kommune ønskjer primært å ha eit hamnesamarbeid med Fjell kommune, men vedtaket til Fjell gjer det usikkert om dei vil ha eit samarbeid med Lindås, og når det vil kome ei avklaring. I sak 70/15 blei det lagt fram forslag om å etablere eit interkommunalt samarbeid (IKS) i samarbeid med Fjell, men det vil ikkje blir aktuelt om Fjell seier nei til eit samarbeid med Lindås. Rådmannen meiner difor at Lindås også må sjå på ei alternativ

hamneorganisering, kor Lindås kommune organiserer hamnedrifta åleine.